


東華錄



				漢書門
		二二四九		
	九	〇	九	
一	六	〇	九	
冊	架	函	號	類

庫文閣內			
			漢書
		二二四九	
	一六	〇	九
一六	〇	九	
架	冊	函	號

內閣文庫	
番號	漢 2249
冊數	16 (7)
函號	286 101



東華錄卷之七

淺草文庫


湘源蔣良騏千之父

康熙十三年九月以饒州賊犯婺源署副都
統碩塔穆森以鎮守克州滿洲蒙古驍騎校

駐江寧江寧督董衛國報吳逆偽將軍率

保猱犯長沙糾羣賊窺袁州

上命將軍希爾根哈爾哈齊總兵趙應奎並



井作什月
安四德共吳之茂
以四州叛降賊見于
正月內則此宜化
偽將軍有偽

為勦禦尋賊陷都昌復諭希爾根等剿之
叛賊楊來嘉犯南潼官兵敗之賊逼祁門
改命碩塔等駐安慶調河南提督王永譽為
安徽提督武昌知府于成龍督兵擒殺賊
首鄒君井副都統尚之節等復大埔
將軍吳之茂偽總兵彭士亨犯廣元官兵大
敗之賊夜遁去尚可喜報劉進忠抗不受

撫官兵屢敗之斬偽副將陳璉等賊陷徽
州府及歙祁門等縣江西督董衛國報副
都統甘度海大敗賊於龍泉縣西北斬偽總
兵郭龍李良又報希爾根哈爾哈齊等聞
撫州擊敗援兵及城內兵浙江提督塞白
理奏賊陷黃巖總兵阿爾泰從賊吳逆遣
賊犯袁州諭署副都統穆承格率南昌兵速

聞恩圖一作圖

喜作善

投作授

固作因

赴與趙應奎並力固守。授和碩簡親王喇布為楊威大將軍率滿兵往江寧保固江南全省將軍阿密達額楚華喜王之昂總督阿席熙並叅贊投坤巴圖魯侍衛為振武將軍赴汝寧駐防。浙撫田逢吉報賊屯仙居縣朱溪都司汪國祥知縣鄭錄勲會剿殺三百餘人。南贛總兵劉進寶復崇義。將軍額

定當作建

楚敗賊績溪復其城。希爾根復撫州尋奏閩賊東踞定昌滇賊西犯袁州命哈爾哈齊援袁州。李之芳報副將陳世凱副都統馬哈達石調毅敗偽都督陳重偽總兵朱老回等於金華之山口追至鄭店斬五千餘級焚賊巢一百餘處。四川督周有德報偽將軍何德成自昭化赴二郎關欲截糧餉官兵擊

鄭下有象字

敗之擒偽都司賀騰龍。兩廣督金光祖報
提督馬雄總兵郭義降賊廣西全省變動命
安親王岳樂為定遠平寇大將軍率兵討之
額楚復徽州命速進取饒州會合江西大
兵。董衛國報賊犯總兵劉進寶調屯壘都
督許貞救援大破賊眾又賊曾若干犯石城
中軍營天祥知縣李德明等率民兵敗之。

犯下有建昌二字

曾恐曹一作曹

遂作建

十月閩賊犯遂安副將鮑虎大敗之。偽將
軍陳昇土賊郭應定等犯贛州副都統甘度
海大敗之斬偽總兵柯隆李梁又追敗之於
龍泉縣石灰澳隘口破其三營攻取曹林賊
巢十餘寨。十一月貝勒尚善等奏十月廿
六日夜大雨暴風將沙船戰船漂沒三十餘
隻冲去未獲滿洲兵廿五名炮手七十一名。

衆作泉

因作因

水手家人十六名旨貝勒大臣速議具奏

副都統碩塔穆森等復建德 賊陷湖口彭

澤浮梁鄱陽諸賊嘯聚日衆命副都統雅賴

阿客尼馳赴剿賊 陝西督哈占報參將陳

應奎等夜襲賊於寧羗州文廟山賊大亂道

回南山 康親王報偽都督周列偽總兵蔡

明等率賊二萬由常山謀犯衢州副都統喇

哈胡國等九月十七日擊敗之於焦園等處

徽州營副將姚宏信守備李剛大敗賊於

建德縣之鄭坑舖 十二月經畧莫洛言廣

元大兵缺餉兩月畧陽糧船為賊所劫賊又

屯踞七盤朝天諸關餉道梗塞

上命速赴七盤朝天等處會將軍席卜臣剿

賊疏通餉道尋總兵哈占言蜀中水陸俱賊

賊字上下恐脫字

糧運難繼且賊窺同平陽

上諭貝勒董額莫洛周有德張得地等撤兵
回廣元再圖恢復命副都統塞格等率滿
兵駐南河丁卯申刻太白星見鎮南將
軍尼雅翰報偕副都統綽客托等於十月二
十二日擊敗賊偽都統督李大元等於南康
厓口恢復南康府定南將軍希爾根報官

兵恢復萬載縣撥京口沙虎船五十艘往

岳州湖廣督蔡毓榮報逆賊楊來嘉陷竹

谿中鋒寨江西遊擊佟國棟等復新昌

已卯

太宗懿靖大貴妃薨官兵敗偽都督徐尚

朝等五萬衆於金華城外江西官兵敗賊

於袁州西村癸巳陝西提督王輔臣兵叛

早作平另

於寧羗經畧莫洛遇害大將軍貝勒董額退
保漢中滇賊陷安福縣諭貝勒尚書規
取岳州命平寇將軍哈爾哈齊守江寧並
叅贊大將軍簡親王軍務遣給事中蘇拜
招撫王輔臣叛兵命副都統穆舒渾等率
師鎮新安以周卜世為山西提督駐早陽
命將軍尼雅翰率所部兵協守粵東孫

別本十四年係十一
卷

戰擊平
一作擊破

延齡犯懷集縣官兵六戰皆捷又犯欽州遊
擊王嘉賢擊破之壬子敕諭王輔臣
康熙十四年正月精忠將黎化中與三桂之
眾合犯連州官兵戰擊之命將軍阿密達
等帥師赴蘭州討王輔臣乙酉新安兵變
殺總兵王懷忠復永康縉雲二縣二月
下詔切責貝勒董額等以王輔臣之亂退縮

卷七

七

失機致廣元胡天諸關已克復者復為賊三
桂所據飭令速定平涼秦州分兵以通棧道
以鄂泰為建威將軍統盛京兵駐太原
復上高新昌二縣 精忠將沙有祥踞桃花
嶺康親王遣副都統馬哈達等擊破之復處
州 詔秦中官弁兵民倉卒降賊者悉赦不
問 精忠將自處州遁走仙居副都統穆赫

林等大敗之於白水洋復仙居縣 賊陷蘭
州巡撫花善等奔涼州 以佛尼勒為西安將
軍 西寧總兵王進寶大破王輔臣之眾於
新城進圍蘭州遂復涇州及龍泉縣 貝勒
董額敗王輔臣之眾於隴州復關山關 三
月叛將楊來嘉犯南漳總兵劉成龍敗之
改佛尼勒振武將軍援漢中 大將軍董額

師圍秦州。命畢力克圖為平逆將軍，率師赴大同，討王輔臣。以甘肅提督張勇為靖逆將軍，加總兵孫思克為都統，王進寶都督同知，討王輔臣。王輔臣陷定邊城，以總兵陳福為陝西提督，仍駐寧夏討賊。以花馬池靖邊衛相繼陷賊，命總督鄂善等率師赴榆林，調四子部落兵入邊。察哈爾布爾尼

從前作進

叛以多羅信郡王鄂扎為撫遠大將軍，大學士都統圖海為副將軍，討平之。□□□護軍統領郎肅等勦湖寇於五桂寨，斬二萬餘，復餘于縣。王進寶敗輔臣之眾於蘭州。復萬年縣。復藤縣。復安仁縣。四川平涼賊眾合援秦州，官兵迎擊屢敗之。王進寶平臨洮府，孫思克復靖遠衛。察哈爾兵

援當作攻

兵官必倒

至鄂西溪而潰。以內大臣佟國剛為安北將軍鎮宣府。五月，江西兵官敗賊於長興。復建昌府。陝西官兵復寧州。遊擊李師膺叛，殺韓城令，犯郟陽。官兵擊走之。以旱命大臣理刑獄。叛將楊來嘉、洪福犯南漳，尋陷穀城。以貝勒察尼為靖寇將軍，統襄陽諸路兵援穀城。命將軍畢力克圖帥師援榆

林副都統哈塔鎮大同，以吳丹為建威將軍鎮太原。詔內大臣佟國綱還。賊陷延安。綏德提督張勇復洮河二州。閏五月，以張勇節制全秦事務。陝西提督陳福遣兵復惠安、韋州、安定諸堡。遂合蒙古諸部兵圍賊於花馬池。大兵圍蘭州。王進寶等大敗賊於東門。三桂將罪，荊州詔責順承郡王前。

罪字必訛罪
當作犯

赦當作郝

門

之延州府平。七月，楊來嘉復犯南漳，都統
宜理布等大敗之。陳福勦定邊縣擒斬賊
將朱龍。興安遊擊王可成等復叛，詔太原
將軍吳丹分兵守潼門。江西官兵復浮梁
樂早宜、黃崇仁等縣。八月，董額畢力克
圖阿密達諸軍會攻王輔臣於平涼，屢敗之。
陣斬賊將赦天祥。貝子傅喇塔等敗耿精

忠之衆於半山嶺，進攻黃岩，偽將曾養性遁
走溫州，遂復黃岩城。九月，江西官兵復靖
安縣。董額再疏請赦王輔臣，
上不許。十月，浙江官兵進取溫州，復太平
樂清、青田、大荆、盤石等縣。陝西官兵及
王輔臣戰於固原，失利。副將太必圖死之。提
督陳福退保靈州。十一月，貝勒察尼敗三

大作木

桂之衆於興山縣復其城 復設詹事府官

福建巡撫楊熙及尚之信攻克鮮水關復

永定縣 叛賊馬雄等犯高州雷廉潮俱失

守命簡親王喇布援廣東 江西兵復浮梁

貴溪等縣 是月海寇鄭錦陷漳州海澄公

黃^口度閣門死之 十二月立皇太子允初

為皇太子 詔書切責順承郡王師久無功

叅贊巴爾布等並落職自効 寧夏兵變提

督陳福死之 王進寶佛尼勒張勇敗王輔

臣於西河 海寇復犯温州水師提督常進功總兵朱万化
自定海關出洋勒禦連破賊衆于沈家門等處

康熙十五年正月甲午

上以建儲加上

太皇太后徽號曰昭聖慈壽恭簡安懿章慶

敦惠溫莊康和仁宣太皇太后

惠
皇太后徽號曰仁憲恪順誠惠經淑皇太后
頒詔加恩中外。耿逆偽官汪飛龍等一
百五十餘員就撫。二月詔大將軍勒爾錦
宣諭軍中凡恢復城池後毋殺掠。以都統
大學士圖海為撫遠大將軍征王輔臣貝勒
董額以下俱聽節制。叛將吳之茂自四川
逼鞏昌命張勇還鞏昌禦之。復以畢力克

圖為平逆將軍鎮寧夏。詔趙康親王進師
福建貝勒尚善等退師岳州。三桂偽將高
大傑陷吉安。安親王岳樂復萍鄉縣三桂
將夏國相遁。三月王進寶佛尼勒大敗吳
之茂於北山口擒賊將徐大仁。康親王遣
固山貝子傅喇塔等圍溫州偽將曾養性祖
宏勳悉眾來犯副都統紀爾他布等擊敗之。

渡下有漢字

守一作迫

岳州水師克君山襄陽官兵敗三桂將王會於靈機寨 順承郡王勒爾錦渡江遣

前鋒參領永爾察敗三桂之衆於支村又敗

之于石首縣 勒爾錦擊三桂之衆於太平

街失利退保荊州 四月賊犯廣東提督嚴

自明總兵苗之秀副將王啟秀叛尚之信陰

通賊守其父可喜弟為亂鎮南將軍覺羅舒恕等

引還副都統莽依圖自肇慶突圍出總督金

光祖巡撫佟養鉅陳洪明俱降賊

上諭廣東變亂兩江可虞宜益兵駐江南分駐

京口禦賊並應接江西 王輔臣之衆踞龍

駒砦斷商維南路知縣盧英死之命吳州席

卜臣等會哈占剿賊 鄖陽官兵擊叛將譚

宏洪福等於坪濤諸處連敗之 五月精忠將

州當作丹

溝

黨

馮公輔等陷宣平黨喀里擊走之。圖海敗

王輔臣於平涼。六月王輔臣乞降。詔撫之。

王輔臣復引川寇犯通渭。王進寶擊敗之。

復靜寧州。圖海奉詔招諭王輔臣。輔臣率眾

降。

上赦其罪。假靖寇將軍。立功贖罪。賊將耿

繼善及建昌新城賊燒營遁。

上諭康親王等曰。精忠撤建昌諸兵。其為海

寇所逼無疑。我師宜乘機速進。七月江西

官兵復金谿縣。振武將軍佛尼勒提督張勇

王進寶會勦吳之茂等於秦州。樂名賊眾

宵遁。八月將軍穆占進師樂門。復禮縣。

精忠將馬九玉等據衢州。康親王遣都統賴

塔等敗之。復江山縣。九玉棄營遁。九月康

門當作名

明一作胡

親王遣明圖等追擊馬九玉破之復常山縣賴
塔馬哈達等進攻仙霞關賊將金應降
遂復浦城縣湖廣官兵破洪福於芝河
賊陷湖廣醴陵張勇克階州福建總督
范承謨為精忠所害命穆占佩征南將軍
印統陝西河南諸軍赴湖廣討吳三桂賴
塔紀爾他布等克建陽遂下建寧府十月

克

工

河決淮揚命工部尚書龔如錫戶部侍郎伊桑
阿閱視康親王師抵延平偽將軍耿繼
美以城降精忠大懼遣使赴延平獻偽印并其子
顯祚來迎王師至福州精忠率偽官出城降
上命還精忠爵如故仍率所部兵從征海寇
自効浙江官兵復溫處二州十一月海
寇鄭錦遣其將許耀以賊二逼福州康親王遣都統

○福州下有車
營烏龍江字

卷七

十六

等下有渡江二字

喇哈達等擊敗之。安親王岳樂圍長沙不

恐賊一作賊

下官兵敗於信豐復定南秦和二縣

以

孝陵瑞昌山升遵化縣為州。耿繼善犯南

豐副都統雅秦總兵許貞敗之。十二月敕

淮揚瀕河植柳以備工。叛賊嚴自明等犯

南康覺羅舒恕等擊走之。尚之信遣人詣

明下有郭美
二字
南康下有連
兵十七營字

行營乞降簡親王以聞詔赦其罪令立功自

効。吳三桂殺孫延齡以其眾隸線國安

官兵復上猶縣。建威將軍吳丹畧地華商

副都統穆舒渾敗賊於峻嶺州復山陽縣

桑明等以廣信府來歸。賊將耿繼善棄柳

武府遁海賊乘間據城犯延平副都統穆赫

林敗之偽將軍彭世勳以城降

柳作柳

康熙十六年正月將軍額楚等攻吉安失利
命侍郎班迪至軍察將士罪狀官兵復會
昌新城汀州縣興化泰寧建寧長汀寧化清
流歸化連城諸郡縣二月克泉州府增置
岳州水師營閩賊林惟仁據周公源口官兵
討平之以都統鄂內為討逆將軍率師赴
岳州討吳三桂官兵敗鄭錦於新泉賊棄
漳州遁遂復海澄等十縣福建平江西官
兵復瑞金鉛山縣三月命康親王移師取
湖州以莽依圖為鎮南將軍率師會剿廣東
副都統額赫納穆承格叅贊軍務侍郎覺羅
舒恕留鎮贛州劉進忠苗之秀詣康親王
軍乞降詔赦其罪並之原官隨大兵征討尋
授進忠討逆將軍賊將贛大任棄吉安遁

師其入城。以簡親王喇布師久無功自大將軍以下降謫有差更命都統勒貝護軍統領哈克山副都統布舒庫往贊軍務。甲辰含譽星鄉雲見。吳三桂聚眾守長沙。

上命順承郡王勒爾錦進軍臨江圖海扼漢中以分賊勢。命簡親王偕多諾鎮吉安莽依圖帥師赴韶州額楚駐袁州侍郎舒恕防

贛州官兵復樂安縣。四月詔趣圖海進

保一作和

兵逼四川提督趙賴敗三桂之眾于太保擒賊將肅元。吳三桂率眾赴衡州。命簡

親王侍郎舒恕總督董衛國總兵折爾肯等

分兵禦之。辛未御製天德景福頌書屏進

太皇太后莽依圖師至南安嚴自明以城

降遂克南雄抵韶州傅宏烈迎降。五月尚

之信以廣東降。以傅宏烈巡撫廣西。官
兵復崇仁縣。六月，尚可喜卒于軍，以其子
之信襲封平南親王。劉進忠以湖州降。
以覺羅舒恕為安南將軍。祖澤清降，高雷廉
三府悉定。七月，詔穆占率師赴茶陵，與簡
親王協取衡永。授傅宏烈撫臺，滅寇將軍。
與尚之信定廣西。鄭錦偽將劉國軒自惠

湖一作潮

州犯東莞，將趨廣州。尚之信大敗之。賊將
陳璉以惠州降。八月，朱統錫復犯江西，陷
貴溪、瀘溪諸縣，命董衛國討之。三桂分兵
犯韶州、桂林，詔安親王岳樂將軍穆占等相
機剿賊。立妃鈕祜祿氏為皇后，冊佟氏為
貴妃，頒詔天下。官兵復梧州府。命和碩
額駙華善等率師濟簡親王軍。三桂將胡國

祐

卷七

二十

桂馬寶冠韶州莽依圖額楚夾擊破之賊敗
走帽峰山國柱等棄帽峰山遁官兵追
擊過樂昌遂復仁化縣十月傅宏烈遣將
敗三桂衆於昭平復得州府福建按察使
吳興祚敗朱統錫于光澤執之始設南書
房簡侍講學士張英中書高士奇入直脩顧
問廣西官兵復鬱林州及南平等縣十

一月賊韓大任據萬安縣之梁口以應三桂
命簡親王發兵與護軍統領哈克山等剿之
官兵復茶陵攸縣十二月海寇犯泉州
副都統楊鳳翔提督段應舉敗之海賊犯
欽州遊擊劉士貴敗之賊將馬寶率衆赴
衡州令尚之信趨韶州會貝勒額楚進取宜
章柳永金星晝見官兵復平江鄂縣

康熙十七年正月廣東官兵執三桂偽官董
重民等獻京師

上赦之 江西官兵敗韓大任於鸚鵡寨賊

遁汀州 詔舉博學鴻詞 官兵復永寧縣

二月金光祖自潯進兵失利命將軍額楚
都統勒貝等帥師赴梧州覺羅舒恕守南雄
控韶州時三桂悉驍騎犯廣西傅宏烈馳書

告急

上命莽依圖為總統額楚勒貝叅贊軍務與

宏烈合兵討賊 詔簡親王移師取湖南

鄭錦犯泉州叅將朱起龍敗之 韓大任率

所部降詔赴京師 丁卯皇后鈕祜祿氏崩

鎮南將軍莽依圖與吳三桂戰於平樂失

利莽依圖退保中山鎮

上命尚之信與都統馬九玉帥師會莽依圖
等併力破賊。二月湖廣官兵敗楊洪於房
縣復其城。鄭錦寇石碗副都統益安副將
楊壯猷敗之。祖澤清復叛。命將軍張勇
移師駐甘州防守三邊。閏月黃芳世敗山
賊蔡寅於天寶山斬賊將楊寧。移福建濱
海界外百姓於內地禁出海變通新移之民悉

賊徭

免賊徭。賊蔡寅犯安溪知縣李鈺等擊走
之。噶爾丹興兵及西海飭備邊防。廣西
官兵復北流縣。冊謚大行皇后曰孝昭皇
后。三桂偽將軍林興珠詣安親王軍降詔
封列侯授建義將軍苗將軍前剿賊。副都
統甘度海阿進泰以失機建擊建昌。陝西
官兵敗賊於秦嶺復潼關堡。四月副都統

恐襲誤

穆赫林提督黃芳世與蔡寅戰於灣腰樹失
利賊陷平和遂退過湖州會副都統雅塔里率
師會剿叛將祖澤清連山海諸寇犯電白
詔尚之信將兵擊之尚之信帥師大破賊
破祖澤清於高州賊棄城遁慶陽賊袁木
秀附三桂為亂大將軍圖海遣兵擊斬之
廣西官兵復柳州桂陽興寧宜章臨武藍山

諸縣五月鄭錦犯湖州馬三奇等敗之

鄭錦圍海澄總兵黃藍告急命將軍賴塔師
師赴援厄魯特濟農為噶爾丹所敗闌入

內地詔張勇遂出邊六月移尚之信鎮湖

州湖廣兵敗三桂舟師於君山賊陷海

澄署前鋒統領希福陣亡穆赫林及提督段
應舉俱自縊以早求直言

及一作反

上

止步禱天壇大雨是日王桂冠永興都統
伯宜理布護軍統領哈克山與戰失利死之
賊遂據河外營鄭錦圍童州總兵班紹明
宋思徵擊走之命將軍阿密達等守南昌
三桂率諸賊力攻柳州前鋒統領碩岱與
戰失利奔永興七月命駙額華善佩將軍
印守永興海寇犯泉州詔副都統岳爾多

駙額倒

馬思文率師赴援詔修高家堰副都統
雅塔理棄同安賊遂圍泉州紀爾他布石調
敵退保興化惠安臨詔岳爾多帥師救之
命提督侯襲爵總兵馬三奇守湖州河決
蕭碭三桂寇永興命將軍穆占赴援官
兵敗三桂之衆於岳陽湖討逆將軍鄂內
敗三桂之衆於柳林哨官兵復平和八

哨作嘴另

化一作代

柳一作都

月尚善薨於軍，命多羅貝勒察尼化之。命都統玉國棟率師援宜柳。已未，吳三桂死。賊將馬寶、胡國柱迎三桂孫世璠於雲南。初三，桂病中風，噎膈，有犬登其案而坐，因病甚，口不能張，且下痢，於本月十七日遂死。官軍屢退賊衆，永興圍解，命簡親王進師衡州。貝勒察尼等取岳州。甘肅提督張勇疏言

恐探誤

今

臣與提督孫思克等密探噶爾丹情形，噶爾丹居西北金山，距嘉峪關兩月程，即古大宛國也。今歲二月內，自其地起兵，不知何向。臣復遣人至墨爾根台吉所審視之，衆皆安居，寂然得旨，加意防守。行康熙永年歷。九月，官兵敗海賊於蜈蚣山，劉國軒遁，泉州圍解。十月。

上巡視北邊 賊將吳應麒遣杜輝巴養元
姜義師水軍犯陸石口將軍鄂內敗之丁酉
世宗憲皇帝生

十一作四

上之第十一子也母曰吳雅氏 官兵復同

安縣 十一月副都統金榜選平雷州土寇

復徐聞縣 簡親王移師進取柳州 十二

月廣西賊陷藤縣逼梧州 二十五日陝西

道監察御史臣成其範謹題為星占之理可
憑捷音之來伊邇請敕令軍士應期征勦以
奏蕩平事臣竊惟天道至微而難窺非淺學
所可輕議臣以愚陋書生何敢妄談但事有
關軍國大計者不敢不據寔為我
皇上陳之臣謹按五星之占驗往往不爽惟
熒惑一星其應尤速此司馬遷所以謂天下

必視熒惑所在也。天文志曰：熒惑行無常出，則有兵入，則兵敗。各以其舍命國為亂，為賊，為疾，為喪，為饑，為民所居國受殃。天官書曰：熒惑反道，二舍以上居之，三月有殃；還至，雖大常小，久而至當小反大。今年十一月十五日，火星退度，其在柳上者，無可占驗也。惟自十二月十八日，火星退鬼金之宿，二十二

井

日，火星退井木之宿，自三十一度起，直至十八年正月初九日退，至二十五度而留；至正月十七日而夕，遲大輿鬼之分野，貴州平越府是也。井木三十一度至二十五度，分野雲南、大理、武定、姚安等府是也。據星占而論，論其時則自十二月十八日起，至正月十七日止，論其地則自貴州平越府起，至雲南

無大輿有夫翼

八府止此內當主賊兵自相殘害一月之內
端倪必見五月之內消滅無餘此必至之應
也說者曰火星退度亦有未必盡應者臣以
為火星退在四水宿則不應蓋水能克火火
故不能為厲也火星退在四土宿則亦不應
蓋火土相生火亦不能為厲也至於火退鬼
金則火能燦金火退井木則火逢木而愈熾

况火旺南方鬼井皆南方之宿也雲貴皆南
方之地也反道正居其野則逆寇之滅亡所
必然耳臣不知彼地之情形亦不知兵家之
進退但以星氣之占驗其理如此請 敕軍
士速應星象以圖翦滅則蕩平指日可期矣
如果臣言不謬伏乞

睿鑒施行奉

旨知道了該部知道

康熙十八年正月賊將陷德興進逼樂平

貝勒察尼等圍岳州吳應麒棄城遁遂復岳

州劉國軒犯長泰副都統紀爾他布巡撫

吳興祚敗之

據紅本係正月十八日

賊棄長沙遁師

復其城

二月吳世琮犯梧州傅宏烈等敗

之賊棄營遁

寧南大將軍勒爾錦率師渡

江次元始前軍分路進取松滋枝松江宜都

澧州屯兵百里州賊將洪福率舟師降簡

親王遣前鋒統領希福等取衡州賊將吳國

貴夏國相遁

詔察尼會順承郡王勒爾錦

取常德沅州鎮遠並議進取雲貴事宜改桑

竄雲南提督趙賴貴州提督起前雲南巡撫

李天洛原官以揚雍建巡撫貴州周有德總督

雲貴並隨大軍進討 官兵復常德 官兵

復歸州及湘陰華容石首湘潭桃源安鄉諸

縣 三月丙申朔試博學鴻詞授彭孫邁等

五十一人翰林官有差 台試一等彭孫邁編

修江霽編修喬萊編修土項齡編修李因篤

檢討秦松齡檢討周清原檢討陳維崧檢討

徐嘉炎檢討陸藻檢討馬最檢討錢中諧編

修汪揖檢討袁祐編修朱彝尊檢討湯斌侍

講汪琬檢討邱家隨檢討王詔燕編修二等

李來泰侍講潘來檢討沈珩編修施閏章侍

講朱漢雯編修黃與堅編修李鏗編修徐執

檢討沈筠編修周夷曾編修尤侗檢討范必

英檢討崔加岳檢討張鴻烈檢討方象英編

修李澄中檢討吳元龍侍讀龐壇檢討毛奇

齡檢討金甫編修吳任臣檢討陳鴻績檢討

曹宜溥檢討毛汝芳檢討曹木檢討黎騫檢

討高詠檢討龍燮檢討邵吳遠侍講 湖南

嚴繩孫檢討皆入史館纂修明史 兵下寶慶 吳國貴等遁走永州將軍穆占 敗之復永州於是道州永明江寧等縣賊俱 遁 侯襲爵敗海賊楊余日等於山頭仔

夏四月旱清理刑獄 已郊旱甚

上步禱郊壇應時大雨 命希佛師師會莽

依圖定雲南 師次潯州府逆吳世琮遁

撤勒爾錦還荊州與巴爾布定巴東 五月

劉國軒犯江東橋將軍賴塔擊走之 詔內

閣學士徐元文翰林院掌院學士葉方萬右

庶子張玉書等修明史 六月詔圖海與各

路將軍亟殲寶雞賊恢復漢興以平蜀 是

夏廣西湖南平 七月淮揚翟家壩工成山

陽寶應高郵江都四州縣河西諸湖涸出者

招民由之 將軍舒恕額楚總兵官譚昇揚

國泰敗吳世琮于南寧之西山世琮負創遁

庚申京師地震詔部院三品以上官及科

道在外督撫等言政治得失 發內帑金十

萬兩賑軍民廬舍傾圮及死傷者 八月將
軍穆占師赴新寧縣 將軍傅宏烈復柳城
融縣桂柳路通 馬雄子承蔭來歸詔授伯
爵佩將軍印從征 將軍林興珠提督趙國
祿等擊吳國貴於武岡拔其城國貴中砲死
九月定錢制釐鼓鑄弊 以地震
上親禱天壇 命簡親王帥師守桂林希佛

會莽依圖進師雲南 金光祖執祖澤清械
送京師 十月王進寶克武關尋復鳳縣
趙良棟進取兩當連敗賊衆復其城 十一
月王進寶入雞頭關賊將王屏藩走廣元遂
復漢中府 趙良棟復畧陽尋復陽平關
十二月以蔡毓榮為綏遠將軍進定雲貴周
有德趙賴等鎮德節制 甲子太和殿災肆

無鎮德二字有
俱聽二字另

赦前鋒統領佛尼勒吳丹克梁河關偽將軍韓晉卿遁入四川遂復興安州平利紫陽石泉漢陰洵陽白河及湖廣竹山竹溪上津諸縣以次底定命傅宏烈率師復滇黔康熙十九年正月趙良棟復龍安府王進寶克朝天關遂復廣元縣詔安親王岳樂班師趙良棟至綿竹偽將軍汪文元偽巡

撫張文德等迎降遂復成都王進寶復保寧

二月詔順承郡王勒爾錦等取重慶吳丹鄂克濟哈會趙良棟取雲南楊茂勳王之鼎守成都王進寶守四川徐治都守彝陵荆州總兵官楊宗道接昭化縣遂復蘇州祖澤清及子良楨伏誅王進寶吳丹遣將軍佛尼勒總兵官王朝海率兵取順慶昭撫鹽亭

援一作核

皇下有長字別

潼川中江南部諸州縣悉下之順慶偽知府
彭天壽等降於是蓬廣安合西充岳池營
山渠鄰水儀隴遂寧蓬溪諸州縣相繼悉定
詔簡親王帥師屯柳州尚之信守貴縣莽
依圖馬承蔭馬九玉金光祖等各帥師分道
進取雲貴提督徐治都楊茂勳大敗川賊
楊來嘉擒偽將軍王鳳岐等復巫山縣乘勝
取夔州徐治都至巫山再敗楊來嘉遂復
夔州譚宏降楊茂勳遣兵克大昌大寧二
縣裁鄖陽府治萬正色破鄭錦於海壇
三月建山將軍吳丹師至重慶偽文武官
迎降達州東鄉太平新寧南江安岳等州縣
悉定楊來嘉乞降安親王師旋車駕駐廬
溝橋行郊勞禮馬承蔭復叛於柳州襲傅

威一作威

玉州一作玉洲

宏烈軍命都統夸札帥師與平南王等協剿
平南將軍賴塔克銅山 命賴塔守潮州
以備馬承蔭 鄭錦將朱天貴自海壇遁萬
正色敗之於平海嶼遂克涇州南白平定
崇武諸嶼 康親王規取玉州賊首劉國軒
走廈門偽總兵蘇堪迎降遂復玉洲石馬海澄
福建總督姚啟聖總兵趙得壽黃太來

將軍賴哈分兵攻陳州馬州灣腰山觀首山
展旗等十九寨皆破之 福建巡撫吳進祚
將軍喇哈達總兵王英等擊朱天貴於廈門
賊潰遂遣將取金門 貝勒察尼下辰龍關
蔡毓榮復銅仁府及瀘溪淑浦麻陽三縣
四月早錄囚 都統穆占總督黃衛國敗
偽將軍吳應麒等復沅州靖州及黎平府

大字可疑

五月以旱詔九卿詹事科道官言事。五月
大將軍貝子張泰克沅州。簡親王金光祖
莽依圖合師討馮承蔭。自雒容進取柳州。承
蔭復降。令內閣學士薩慕哈押解承蔭來京。
六月復思南府。七月停加捐官考選科
道。解順承郡王大將軍印撤回京。八月
將軍莽依圖卒於軍。以都統勒貝代之。尚

欽作欽

之信藩下兵鼓譟逃。上諭兵部前因尚之
信屬員張永祥等首尚之信諸不法事。朕欽明
其虛寔。故今之信來京。諸官兵何嫌何疑以
致逃避。其令將軍賴塔等宣布此意。咸使聞
知。先是吳三桂及之信迫其父可喜從賊。可
嘉憤死之信。遂降賊。及歸正。仍懷兩端。甚至
希邀異數。毀訛乘輿。於是藩下人張永祥。張

詰

士選來京告其不法事之信母舒氏胡氏都
統王國棟亦相繼疏列其罪上遣刑部侍郎
宣昌阿與國棟謀執之武宣之信具疏辨上
不忍遽置法命來京對簿之信弟之節等陰
糾黨與誘殺王國棟欲為亂將軍賴塔率兵
圍之之節等就擒而舒氏胡氏復飾言之信
無謀叛逆前告變疏皆國棟等偽為事下王

大臣集議賜之信死逆黨之節暨李天植等
悉正法詔送之信家屬諸京察廣東大小市
利為之信占奪者悉還之民 閏八月河決

九字可疑 一在九字

山陽 九月九將軍章泰將軍蔡毓榮等分
兵進取貴州命廣西四川諸將師師會勦
譚宏復叛瀘淑永寧俱陷賊夔民亦變
上命將軍噶爾漢都統范達禮提督徐治都

後段皆化將軍賴
塔此大字恐衍

等率師赴夔州與貝子進達分道攻之

以賴塔為大將軍率師定雲南將軍吳丹復

瀘州詔將軍王進寶馳赴保寧兼守漢中

十月彗星見於翼廣西兵復大河縣

懷仁失守罷將軍吳丹以鄂克濟哈領其眾

叛將譚宏彭時亨陷涪州命總督哈占

赴保寧討譚宏復巫山縣康親王師旋

上郊勞之貝子章泰征南將軍穆占綏遠

將軍蔡毓榮敗吳世璠之眾於鎮遠復其城

將軍噶爾漢自巫山進復夔州又擊譚宏

將于錯開峽大敗之十一月丙辰朔彗星

見酉方率西白氣見西方章泰進復平越

遂抵桂陽世璠及劉國炳吳應麒等夜遁

傅宏烈陷賊不屈死之鄂克濟哈復瀘州

以佛尼勒為建威將軍會哈占定四川
總兵高孟敗彭時亨於南溪橋復營山縣進
師羅石橋大敗賊眾復圍之於靈鷲寨斬其
偽將魏仰武提督周卜世復思南府刑
部等覆大將軍圖海拿解來京之偽朱三節
楊起隆又名朱慈璫與康熙十二年拿禁之
楊起隆妻馬氏及原夥鄭得勝等並不識認

且面有刺字疤痕明係旂下逃人入楊起龍
夥知其緣由遂假借楊起龍之名于陝西遁
反應照例凌遲處死其馬氏等仍監禁候緝
獲楊起龍另結從之十二月譚宏犯夔州
高孟復渠縣提督桑義等大敗世璫于
永寧州復其城迎至鈇索橋賊焚橋遁偽
將軍饒一龍等以慶遠降高孟復廣安州

思追
一作追

錢

康熙二十年正月前貴州提督李本深及文
武官降械本深送京師。總兵高夢復達州
叛將譚宏死將軍噶爾漢進敗賊衆于雲
陽擒賊將向旭輝等復其城宏子天秘遁萬
開建始梁山忠州悉平。廣西大桂山賊黃
明降。將軍穆占提督趙賴擊世璠偽將高
啟隆夏國相等於平遠走之偽將王會降復

黨

平遠府。詔增日誦官員數。海賊鄭錦死
其黨馮錫範奉錦次子克塽後。二月貝子
章泰師至安南衛偽將軍線緘據江南坡總
兵白成功進于沙子哨賊列陣驅衆拒戰官
兵分三隊奮擊大破之賊夜遁越五日副
都統龔圖達漢泰等復自臘茄坡追擊敗之
復新興所普安州二城。副都統莽奕祿遊

奕

擊王成功等以兵四千敗賊張廷法於三山
至高家橋大敗之斬首千餘將軍賴塔師
至曲靖府偽總兵尹士元等降遂遣偏師取
交水城斷賊中路偽將軍線絨等遁走高
孟復東鄉縣又敗彭時亨於月城寨都統
希福馬緝復馬龍州易隆所其明日復楊林
城前鋒碩塔至高明賊遁是夜渾水營屯賊

亦遁貝子章泰將軍賴塔蔡毓榮等兵先後
至雲南營於歸化寺復大定府擒偽巡撫
張維堅斬之復五龍縣世璠遣偽將胡
國柄等率眾拒戰兵官分擊大敗之斬國柄
及劉起龍三月相國柱犯寶壩大溪將

賊將明國柱見
于前

淑作淑

遵義府馬寶棄城走復犯瀘淑二州詔噶爾

子作予另

漢王用子赴淑州剿之。慶陽賊耿飛稱王，設偽官，詔圖海、張勇、孫思克等遣兵討之。偽將軍宋國輔、陸道清以永寧城降。大兵逼雲南，掘壕圍之。世璠嬰城死守，密召蜀中賊將馬寶、胡國柱、夏國相等歸援。詔大將軍佛尼勒、趙良棟與噶爾漢等各統兵襲擊。四月，王用子復納漢江安仁懷合江。偽將

偽作者另

軍韓天福以武定府降。大理府偽大將軍張國柱及臨安永順鎮姚安府諸偽官各率所屬降。五月，提督周卜世遣總兵李師膺等取遵義，偽知府金仕俊偽知縣吳逢聖相繼來降。遂復兵安州及仁懷、綏陽、桐梓縣。慶陽土寇耿飛降。海賊楊二犯瓊州，總兵蔡璋督舟師擊敗之，焚賊船一百三十餘艘。

作下有何字另

度作慶

賊遁 貝子章泰兵抵雲南偽將軍李發美
以鶴慶麗江二府降 六月遣員外穆稱額
蘇赫往大同賑荒論之曰前爾等奏飢民因
賑濟又得雨澤不至流離頃朕遣人往視人
民流亡如故雨澤猶然未降則賑濟尚未遍
及矣爾毋自護前非朕知之最悉今往賑濟
務任飢民得遂其生其作區畫極救仍與

巡撫確議以聞 楚雄府為將軍陳光祿等
復叛詔將軍穆占仍留雲南署前鋒統領薩
克察巴圖魯率所部會剿署副都統諾敏率
所部協守貴州副都統莫達鎮常德 七月
都統希福提督桑我追賊馬寶於烏木山殲
其衆寶僅以身免 總兵李芳述敗賊胡國
柱復建昌 偽將馬寶巴養元等降命俱械

舟下恐脫師字

送京師。詔圖海鄂克濟哈還京師。留將軍
吳丹守漢中。王輔臣隨圖海諸闕。宴大學
士以下員外郎以上官於瀛臺。命內大臣佟
國維宣諭慰勞。仍賜綵幣。以施琅為福建
水師提督。與將軍總督等統舟。進取澎湖臺
灣。改萬正色為陸路提督。諾邁還京師。八
月辛巳朔。日有食之。詔總督哈占率兵還

四川。撤漢中。荊州。南寧。滿兵還京。莫達等守貴
陽。諾敏駐沅州。九月。偽將馬寶伏誅。
十月。徧沅。巡撫韓世琦。與總兵官和山。靈崇
耀。敗世璠將黃明於古州。八萬。猛。撫遠大
將軍都統大學士公圖海還朝。十一月。詔
失節從賊諸臣。如馬寶。夏國相。胡國柱。王永
清等。大惡不赦。外餘其落職。放回鄉里。王

共職

師進圍雲南。吳世璠自殺。戮其屍。傳首京師。
偽相方光琛等伏誅。餘黨悉降。雲南平。群臣
朝賀於乾清宮。召固山貝子章泰。總督趙
良棟赴闕。十二月。群臣請上尊號。不許。
補行廣西鄉試。加上
太皇太后昭聖慈壽恭簡安懿章慶敦惠溫
莊康和仁宣宏靖尊號。

皇太后仁憲恪順誠惠繩淑端禧尊號。御
門受賀。頒詔天下。賚宗室及外藩。予內外官
封贈。廣解額。舉隱免。旌節孝。恤孤獨。罪非常
不原者。悉赦除。

康熙二十一年正月十四日

上御乾清門。宴內閣大學士。學士各部院等堂
官。翰院學士講讀。及日講編修。詹事方局科

笑

庖

露恐露一作雷

道掌印官九十三員特敕諸臣權怵暢飲笑
語無禁宴畢復命近御座前觀燈更賜庖
酒露醉者令內官扶掖而行明日御製昇平
嘉讌詩序及首唱麗日和風被萬方句羣臣
集太和殿下做柏梁體以次各賦語九十三
韻分發吳三桂骸骨於各省吳世璠首級
交與刑部懸掛示眾逆黨夏國相凌遲巴養

黨

示下有衆品

元等五人斬梟示耿精忠凌遲梟示其子耿
顯祚處斬徐文耀王世瑜白顯忠光元勳曾
養性王振邦蔣得輅劉進忠俱凌遲進宗梟
示黃國瑞林芳孫廖廷雲李似桂夏季旺呂
應斗武灝司定猷沈偉郭景汾羅萬里祖宏
勲陳儀陳斌呂八旂俱處斬田起蛟金鏡李學
清陳夢雷俱從寬免死裁江西總督缺併

浴作洛

歸江南 戶部覆廣西撫赦浴言粵西地丁
錢糧每銀二兩折收米一石原係一時權宜
之計今二省之運既停八旗之兵又撤康熙
二十一年分折徵米石請照舊徵銀從之
磔從逆貴州提督李本深於市孫象乾象坤
弟子濟拜濟民並立斬 二月九卿等議覆
翰林院侍講王鴻緒疏奏楚人朱方亘詭丘

旦

說妄言休咎煽惑愚民誣罔悖逆經湖廣總
督王新命審寔具題朱方旦應立斬顧濟宏
陸光祖翟鳳彩甘稱弟子造刻邪書俱斬監
候從之 宗人府題聞散宗室勒爾錦贈朱
方旦至人果聖人堂匾額原任巡撫張朝珍
贈聖教帝師匾額應行文查明
上諭曰此事毋庸行查前勒爾錦領兵在別

果作果

別作荆

州時朕已聞此事曾諭云朱方旦係狂妄小人軍機大事萬不可聽其盡惑又對秦路經武昌張朝珍語之云朱方旦果一奇異神人爾宜相會由此觀之所贈匾額是真尋議勒爾錦見在羈禁無庸議張朝珍已經病故革所剩世襲官 癸巳
上以雲南底定躬詣盛京

刺作兵另

陵寢告祭是日啟行 外藩王貝勒等請上尊號不許 五月辛亥
上回京

御書清慎勒三大字頒發各督撫 彭時亨
譚天秘凌遲梟示 候補布政使崔維雅進
所輯河防葛議兩河治畧二書
上命勘閱河工大員將伊帶往會同總河靳

輔確議具奏。福建將軍馬九玉疏請罷職。旨馬九玉於耿精忠叛時曾哭勸再三歸正。後又甚効力，非他人可比。著以原官來京。六月諭部院諸臣：朕因天氣炎熱，移駐瀛臺。今幸天下少安，四方無事，然每日侵辰御門聽政，未嘗暫輟。卿等各勤職掌，時來啟奏。曾記宋史所載賜諸臣於後苑賞花釣魚，傳為

美談。今於橋畔懸設罾網，以待卿等遊釣。可於奏事之暇，各就水次舉網得魚，隨其大小，多寡携歸邸舍，以見朕一體燕適之意。誰謂東方曼倩割肉之事，不可見於今日也。特諭。以早諭諸臣會議應行應革事宜，請清理刑獄，敕刑部督捕督撫等應結事件，速行結案。及暫釋江西吉安出征官物禁。螺子山對敵退回

從之。翰林掌院學士陳廷敬撰擬樂章十
四章進呈。旨詎衙門敬慎肄唱。七月己巳。
彗星見井宿度。尾長二尺餘。九月以興建
太和殿。命郎中等往江南江西浙江福建廣
東廣西湖廣四川採辦楠木。
太宗文皇帝寔錄告成。十月。貝子章泰都
統賴塔自雲南凱旋。

在忍抱訛

上郊勞。越盧溝橋駐蹕。行在見禮。十一月。
九卿會議。尚書伊桑阿查勘河工一疏得旨。
靳輔仍著革職戴罪督修。又修築官各俱革
職戴罪監修。勒限將蕭家渡決口堵塞。但河
工關係重大。所需錢糧浩繁。若責令賠修。恐
致貽誤。仍進動用錢糧。勿得借端科派擾累
小民。是歲人丁戶口一千九百四十三萬。


進作准另

徵當作徵另

二千七百五十三田地山蕩畦地五百五十
二萬三千五百六十八頃八十四畝有奇徵
銀二千六百三十三萬一千六百五十八兩
有奇米豆麥六百三十四萬一千三百九十
四石八斗有奇草二百二十九萬八千一百
六十三束茶十五萬九千二百二十五引行
鹽四百三十五萬六千一百五十引徵課銀

二百七十六萬一千二百五十八兩有奇鑄

錢二萬九千四百八十五萬一千四百八十



東華錄卷之七

卷七

五十二

文化茂展

